



Na osnovu člana 140. Poslovnika Skupštine Kantona Sarajevo („Službene novine Kantona Sarajevo“ broj: 41/12- Drugi novi prečišćen tekst, 15/13 i 47/13), Skupština Kantona Sarajevo, na sjednici održanoj dana 27.05.2015. godine, donijela je slijedeći

ZAKLJUČAK

1. Utvrđuje se Nacrt zakona o izmjenama i dopunama Zakona o izvršenju sankcija u Kantonu Sarajevo i stavlja na javnu raspravu.

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 15 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.

4. Vlada Kantona Sarajevo dužna je da nakon provedene javne rasprave podnese Skupštini Izveštaj o rezultatima javne rasprave koji sadrži primjedbe, prijedloge i mišljenja kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni i pripremi Prijedlog zakona o izmjenama i dopunama Zakona o izvršenju sankcija u Kantonu Sarajevo.

Broj: 01-02-16575/15
27.05.2015. godine
SARAJEVO

PREDSJEDAVAJUĆI
SKUPŠTINE KANTONA SARAJEVO

Sejo Bukva



Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 27.05.2015.godine, utvrdila je

NACRT

**ZAKONA
O IZMJENAMA I DOPUNAMA ZAKONA O IZVRŠENJU SANKCIJA U KANTONU
SARAJEVO**

Član 1.

(Izmjena u članu 2.Zakona)

U članu 2. Zakona o izvršenju sankcija u Kantonu Sarajevo ("Službene novine Kantona Sarajevo", broj 27/07) riječi u zagradi: "kažnjeno lice" zamjenjuju se riječju "kažnjenik".

Član 2.

(Izmjene člana 3. stav (1) i tačka d) Zakona)

U članu 3. stav (1) riječi: "kažnjena lica" zamjenjuju se riječju: "kažnjenici", a u stavu (1) tačka d) riječi: "Kantonalna javna ustanova "Disciplinski centar za maloljetnike (u daljnjem tekstu: Disciplinski centar za maloljetnike)," zamjenjuju se riječima: "Kantonalna Javna ustanova "Odgojni centar Kantona Sarajevo (u daljnjem tekstu Odgojni centar),".

Član 3.

(Izmjene i dopune člana 21. Zakona)

U članu 21. riječi u zagradi: "disciplinske mjere" zamjenjuju se riječima: "mjere upozorenja i usmjeravanja", a iza riječi: "Krivičnog zakona Federacije Bosne i Hercegovine" dodaje se zarez i riječi: "Zakona o zaštiti i postupanju sa djecom i maloljetnicima u krivičnom postupku".

Član 4.

(Izmjena naziva Poglavlja I Zakona)

Naziv "POGLAVLJE I-IZVRŠENJE DISCIPLINSKE MJERE UPUĆIVANJA U DISCIPLINSKI CENTAR ZA MALOLJETNIKE" mijenja se i glasi: "POGLAVLJE I - IZVRŠENJE ODGOJNE MJERE UPUĆIVANJA U ODGOJNI CENTAR"

Član 5.

(Izmjena člana 22. Zakona)

Član 22. mijenja se i glasi:

"Član 22.

(Odgojni centar)

Odgojna mjera upućivanja u odgojni centar izvršava se u Odgojnom centru."

Član 6.

(Izmjena člana 23.Zakona)

U članu 23. riječi: "Disciplinskom centru za maloljetnike" zamjenjuju se riječima: "Odgojnom centru".

Član 7.

(Izmjena člana 24. Zakona)

Član 24. mijenja se i glasi:

“Član 24.

(Prijem maloljetnika u Odgojni centar)

- (1) Prijem maloljetnika u Odgojni centar vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika.
- (2) Centar za socijalni rad, u dogovoru sa Odgojnim centrom, poziva maloljetnika da se određenog dana i sata, u pratnji roditelja, usvojitelja ili staratelja, javi u Odgojni centar, radi izvršenja odgojne mjere.
- (3) Izvršenje odgojne mjere počinje od dana kad se maloljetnik javi u Odgojni centar.”

Član 8.

(Izmjena člana 25. Zakona)

Član 25. mijenja se i glasi:

“Član 25.

(Obaveze roditelja, usvojitelja i staratelja i
Odgojnog centra)

- (1) Roditelj, usvojitelj ili staratelj maloljetnika dužan je da obezbijedi redovni dolazak maloljetnika u Odgojni centar, najkasnije u roku od 48 sati, a u slučaju da maloljetnik, iz opravdanih razloga, bude spriječen da dođe određenog dana u Odgojni centar, dužan je da o tome odmah obavijesti Odgojni centar.
- (2) Ukoliko se, zbog nediscipline, ometanja ili onemogućavanja izvršenja mjere od strane maloljetnika, mjera ne može izvršiti, Odgojni centar dužan je u roku 76 sati obavijestiti nadležni sud radi poduzimanja odgovarajućih mjera.”

Član 9.

(Izmjena člana 26. Zakona)

U članu 26. stav (1) riječi: “disciplinski centar za maloljetnike”, zamjenjuje se riječima: “odgojni centar”, a riječi: “praznične dane ili određeni broj sati u”, brišu se.

U stavu (2) riječi: “Disciplinski centar za maloljetnike”, zamjenjuju se riječima: “Odgojni centar”.

U stavu (3) riječi: “Disciplinski centar za maloljetnike”, zamjenjuju se riječima: “Odgojni centar”, a riječi: “šest sati”, zamjenjuje se riječima: “četiri sata”.

Član 10.

(Izmjena člana 27. st. (1) i (2) Zakona)

U članu 27. st. (1) i (2) riječi: ”Disciplinski centar za maloljetnike” zamjenjuju se riječima: ”Odgojni centar”.

Član 11.

(Izmjena člana 28. Zakona)

Član 28. mijenja se i glasi:

“Član 28.

(Pridržavanje pravila kućnog reda i uputstava i savjeta)

Maloljetnik je dužan da se u Odgojnom centru pridržava pravila kućnog reda i uputstava i savjeta ovlaštenih stručnih radnika. “

Član 12.

(Izmjene u POGLAVLJU III Zakona)

U POGLAVLJU III - ODGODA I PREKID IZVRŠENJA ODGOJNIH MJERA ,
Odjeljak A. Odgoda i prekid mjere upućivanja u disciplinski centar i mjere pojačanog nadzora
u drugoj obitelji "riječi: "disciplinski centar" zamjenjuju se riječima : "odgojni centar".

Član 13.

(Izmjena člana 44.stav (1) Zakona)

U članu 44.stav (1) riječi: "disciplinski centar " zamjenjuju se riječima:"odgojni
centar".

Član 14.

(Izmjena člana 47. stav (3) Zakona)

U članu 47.stav (3) riječi: "Disciplinskom centru za maloljetnike" zamjenjuju se
riječima: "Odgojnom centru".

Član 15.

(Izmjena člana 52. Zakona)

(1) U članu 52. u stavu (1), iza riječi „Općinski sud“, dodaju se riječi: „ili drugi organi
iz člana 3. ovog zakona koji izdaju prekršajne naloge“.

(2) Dodaje se novi stav (2) koji glasi:

„(2) Ovlašteni organi iz stava (1) ovog člana, će svojim propisom regulisati postupanje
(uništavanje, prodaju ili predaju odgovarajućem ovlaštenom organu) sa oduzetim
predmetima.“

(3) Dosadašnji stav (2), postaje stav (3).

Član 16.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama
Kantona Sarajevo".

Sarajevo,27.05.2015.godine
Broj:01-02-16575/15

PREDSJEDAVAJUĆI
SKUPŠTINE KANTONA SARAJEVO

Sejo Bukva

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo, kojima je utvrđena zakonodavna nadležnost Skupštine Kantona Sarajevo, člana 1. stav 2. i čl. 196. i 219. Zakona o izvršenju krivičnih sankcija u Federaciji Bosne i Hercegovine, kojima je utvrđena nadležnost kantona da svojim zakonom reguliše izvršenje novčanih kazni, prekršajnih sankcija, mjera sigurnosti i odgojnih mjera koje nisu regulisane ovim federalnim zakonom.

RAZLOZI DONOŠENJA

Zakonom o izvršenju sankcija u Kantonu Sarajevo regulisano je izvršenje odgojne-disciplinske mjere upućivanja u disciplinski centar za maloljetnike, izrečene u krivičnom postupku maloljetnim učiniocima krivičnih djela, na osnovu Krivičnog zakona Federacije BiH.

Novim Zakonom o zaštiti i postupanju sa djecom i maloljetnicima u krivičnom postupku („Službene novine FBiH“, broj 7/14)(*objavljen dana 29.1.2014.godine, a počinje s primjenom 6.02.2015.godine*), utvrđena su posebna pravila postupanja prema djeci koja su u sukobu sa zakonom, mlađim punoljetnim osobama i djeci koja su žrtve ili svjedoci prema kojima su dužni postupati sudovi, tužiteljstva, uključujući ovlaštene službene osobe, organe starateljstva, porodice, škole, institucije na svim nivoima društvene zajednice, kao i druge učesnike uključene u krivičnu procedure, te utvrđena obaveza da se, do početka njegove primjene, usklade odredbe Krivičnog zakona, Zakona o krivičnom postupku, Zakona o izvršenju krivičnih sankcija, Zakona o prekršajima i odredbe drugih propisa iz oblasti zaštite prava djece i maloljetnika sa ovim zakonom.

Toj obavezi podliježe i ovaj kantonalni zakon.

Novim Zakonom o zaštiti i postupanju sa djecom i maloljetnicima izmijenjene su odredbe koje se odnose na navedenu odgojnu mjeru, u pogledu:

- naziva mjere (nije disciplinska mjera već mjera upozorenja i usmjeravanja), koja se izriče kada je potrebno i dovoljno takvom mjerom uticati na ličnost i ponašanje maloljetnika,
- dužine trajanja koju određuje sud:
 - a) na određeni broj sati tokom dana u trajanju najmanje 14 dana a najduže 30 dana;
 - b) na neprekidni boravak u trajanju najmanje 15 dana, ali ne duže od tri mjeseca.

(do sada je bilo propisano:

- a) na određeni broj sati tokom dana blagdana, ali najviše četiri uzastopna dana blagdana;
- b) na određeni broj sati tokom dana, ali najduže u trajanju do jednog mjeseca;
- c) na neprekidni boravak tokom određenog broja dana, ali ne duže od dvadeset dana),
- izvršenja odgojne mjere upućivanja u odgojni centar nadležan je odgojni centar (a ne disciplinski centar) u mjestu prebivališta ili boravišta maloljetnika u vrijeme kada je odluka kojom je mjera izrečena postala izvršna (ne putem centra za socijalni rad),
- slučajeva kad je uz izvršenje odgojne mjere upućivanja u odgojni centar sud izrekao i mjeru pojačanog nadzora, odnosno posebnih obaveza, vrši se u saradnji sa organom starateljstva-centrom za socijalni rad, koji prati izvršenje odgojne mjere pojačanog nadzora, odnosno mjere posebnih obaveza,
- prijema maloljetnika u ustanovu, vrši se na osnovu izvršne odluke suda i druge neophodne dokumentacije utvrđene aktom o prijemu, tretmanu i otpustu maloljetnika (do sada putem centra za socijalni rad),
- da se maloljetniku upućenom u odgojni centar na period duži od četiri sata dnevno (do sada šest sati dnevno) osigurava se odgovarajući broj obroka hrane,
- utvrđenih rokova i organa kojima se dostavljaju izvještaji o izvršenju mjere,

- kada se zbog nediscipline, ometanja ili onemogućavanja izvršenja mjere od maloljetnika mjera ne može izvršiti, odgojni centar dužan je u roku 76 sati (do sada 48 sati) obavijestiti nadležni sud radi poduzimanja odgovarajućih mjera (do sada putem centra za socijalni rad),
- boravka maloljetnika u odgojnom centru, koji mora biti ispunjen djelatnostima primjerenim njegovim osobinama učenjem, korisnim radom koji odgovara njegovim sposobnostima i interesima, kao i drugim odgojnim sadržajima usmjerenim na razvijanje osjećaja odgovornosti (do sada u disciplinskom se centru maloljetnik može zaposliti na korisnim radovima koji odgovaraju njegovim godinama života, ukoliko on ili njegov staratelj na to pristanu).

PRAVNA RJEŠENJA

Član 1. – Ovim članom se vrši terminološko usaglašavanje termina “kažnjeno lice” sa terminom “kažnjenik” u skladu sa odredbama Zakona o prekršajima (“Službene novine FBiH”, broj 63/14)

Član 2. – Ovim članom, pored terminološkog usaglašavanja kao i u prethodnom članu, mijenja se naziv Kantonalne javne ustanove “Disciplinski centar za maloljetnike” u Kantonalnu javnu ustanovu “Odgojni centar Kantona Sarajevo”.

Član 3. – Ovim članom vrši se dopuna odgojnih mjera koje se mogu izricati kažnjenicima u skladu sa odredbama Zakona o zaštiti i postupanju sa djecom i maloljetnicima u krivičnom postupku.

Član 4. – Ovim članom se usaglašava naziv poglavlja sa izmjenama naziva KJU “Odgojni centar Kantona Sarajevo”.

Član 5. – Ovim članom se mijenja izvršenje odgojne mjere upućivanja koji se od sada izvršavaju u KJU “Odgojnom centru Kantona Sarajevo”.

Član 6. – Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 7. - Ovim članom se vrši usaglašavanje načina prijema maloljetnika u Odgojni centar sa odredbama federalnog Zakona o zaštiti i postupanju sa djecom i maloljetnicima u krivičnom postupku.

Član 8. – U ovom članu, pored terminološkog usaglašavanja naziva Odgojnog centra, vrši se usaglašavanje sa odredbama federalnog Zakona o zaštiti i postupanju sa djecom i maloljetnicima u krivičnom postupku u pogledu obaveza roditelja, staratelja i Odgojnog centra.

Član 9. – U ovom članu se mijenja naziv odgojne mjere i organa u kojem se odgojna mjera izvršava. Odgojna mjera upućivanja u disciplinski centar za maloljetnike, zamjenjuje se odgojnom mjerom upućivanja u odgojni centar, a organ izvršenja mjere je Odgojni centar umjesto Disciplinskog centra za maloljetnike. Mjera upućivanja u odgojni centar se više ne može izvršavati u praznične dane, pa su te odredbe brisane. Također, maloljetniku upućenom u Odgojni centar obezbjeđuje se odgovarajući broj obroka hrane ako je maloljetnik upućen na period duži od četiri sata, umjesto šest sati kako je do sada bilo propisano.

Član 10. – Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 11. – Ovim članom utvrđuje se obaveza maloljetnika da se pridržava kućnog reda i uputa stručnih radnika.

Član 12. - Usaglašavanje naziva “Disciplinski centar za maloljetnike” sa novim nazivom “Odgojni centar” u POGLAVLJU III Zakona.

Član 13. - Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 14. - Usaglašavanje naziva “Disciplinski centar za maloljetnike” sa novim nazivom “Odgojni centar”.

Član 15. – Vršiti se usaglašavanje odredbi ovog člana sa članom 31. Zakona o prekršajima na način da se, pored nadležnog suda, određuju i drugi ovlašteni organi da svojim propisima regulišu postupanje sa oduzetim predmetima.

Član 16. - Utvrđuje se rok za stupanje na snagu ovog zakona.

POTREBNA FINANSIJSKA SREDSTVA

Za provođenje ovog zakona nije potrebno obezbijediti sredstva u Budžetu Kantona Sarajevo.



05-03-2015

KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo Canton
Government

360

Broj: 09-02-3188/15
Sarajevo, 03.03.2015. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na nacrt Zakona o izmjenama i dopunama Zakona o izvršenju sankcija u Kantonu Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće


MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst nacrta Zakona o izmjenama i dopunama Zakona o izvršenju sankcija u Kantonu Sarajevo po pitanju njegove usklađenosti sa odredbama ustava i Zakona o zaštiti i postupanju sa djecom i maloljetnicima u krivičnom postupku ("Službene novine Federacije Bosne i Hercegovine", broj: 7/14).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva




SEKRETAR

Ahmed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1





09-03-2015

Broj:08-03-02- 3189/15
Sarajevo, 23.003.03.2015. god.

MINISTARSTVO PRAVDE I UPRAVE
KANTONA SARAJEVO
O V D J E

PREDMET: Mišljenje

Veza: vaš broj: 03-07-02-31283/14 od 23.02.2015. godine

U skladu s članom 3. stav (4) Uredbe o postupku i načinu pripremanja , izrade i dostavljanja propisa („Službene novine Kantona Sarajevo“, br. 21/11- Novi prečišćeni tekst i 30/11) , dajemo slijedeće mišljenje:

Nacrt zakona o izmjenama i dopunama Zakona o izvršenju sankcija u Kantonu Sarajevo nije u suprotnosti sa finansijskim propisima.

Za provođenje ovog zakona nije potrebno planirati dodatna finansijska sredstva u Budžetu Kantona Sarajevo.

Pripremila- Avdić Z. *PA*



M. Kozadra
M. Kozadra, dipl. ecc.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



PRILOZI

ODREDBE ZAKONA KOJE SE MIJENJAJU I DOPUNJUJU:

ZAKON O IZVRŠENJU SANKCIJA U KANTONU SARAJEVO

(“Službene novine Kantona Sarajevo”, broj 27/07)

Član 2.

(Način izvršenja sankcija i mjera)

Sankcije i mjere iz člana 1. ovog Zakona, izrečene učiniocu krivičnog djela (u daljnjem tekstu: osuđeno lice) i prekršaja (u daljnjem tekstu: kažnjeno lice) izvršavaju se na način uređen ovim Zakonom.

Član 3. stav (1) tačka d)

(Organi izvršenja sankcija i mjera)

(1) Na teritoriji Kantona, sankcije i mjere iz člana 1. ovog Zakona, za osuđena lica i kažnjena lica, koja imaju prebivalište, boravište, odnosno sjedištena teritoriji Kantona (u daljnjem tekstu: prebivalište), izvršavaju slijedeći organi:

d) Kantonalna javna ustanova "Disciplinski centar za maloljetnike" (u daljnjem tekstu: Disciplinski centar za maloljetnike).

Član 21.

(Primjena zakona u izvršenju odgojnih mjera)

Odgojne mjere (disciplinske mjere i mjere pojačanog nadzora), izrečene osuđenom maloljetnom licu, izvršavaju se na način i po postupku utvrđenom odredbama Krivičnog zakona Federacije Bosne i Hercegovine i Zakona o izvršenju krivičnih sankcija u Federaciji Bosne i Hercegovine (u daljem tekstu: Federalni zakon), koje se odnose na izvršenje odgojnih mjera, i ovim Zakonom.

POGLAVLJE I - IZVRŠENJE DISCIPLINSKE MJERE UPUĆIVANJA U DISCIPLINSKI CENTAR) ZA MALOLJETNIKE

Član 22.

(Disciplinski centar za maloljetnike)

Disciplinska mjera upućivanje u disciplinski centar za maloljetnike, na određeni broj sati u praznične dane ili na određeni broj sati u toku dana ili na neprekidni boravak na utvrđeni broj dana (u daljnjem tekstu: disciplinska mjera), izvršava se u Disciplinskom centru za maloljetnike.

Član 23.

(Dostavljanje izvršne odluke Centru za socijalni rad i Disciplinskom centru za maloljetnike)

Izvršnu odluku, kojom je maloljetniku izrečena disciplinska mjera, Općinski sud dostavlja Centru za socijalni rad i Disciplinskom centru za maloljetnike.

Član 24.

(Početak izvršenja)

(1) Centar za socijalni rad, u dogovoru sa Disciplinskim centrom za maloljetnike, poziva maloljetnika da se određenog dana i sata, u pratnji roditelja, usvojitelja ili staratelja, javi u Disciplinski centar za maloljetnike, radi izvršenja disciplinske mjere.

(2) Izvršenje disciplinske mjere iz člana 22. ovog Zakona počinje od dana kad se maloljetnik javi u Disciplinski centar za maloljetnike.

Član 25.

(Obaveze roditelja, usvojitelja i staratelja, Disciplinskog centra za maloljetnike i Centra za socijalni rad)

(1) Roditelj, usvojitelj ili staratelj maloljetnika dužan je da obezbijedi redovni dolazak maloljetnika u Disciplinski centar za maloljetnike, najkasnije u roku od 48 sati, a u slučaju da maloljetnik, iz opravdanih razloga, bude spriječen da dođe određenog dana u Disciplinski centar za maloljetnike, dužan je da o tome odmah obavijesti Disciplinski centar za maloljetnike.

(2) Ako se maloljetnik određenog dana i u određeno vrijeme ne javi Disciplinskom centru za maloljetnike ili prestane da redovno dolazi, Disciplinski centar za maloljetnike o tome obavještava Centar za socijalni rad i Općinski sud, radi preduzimanja odgovarajućih mjera.

Član 26.

(Vrijeme izvršavanja)

(1) Disciplinska mjera upućivanja u disciplinski centar za maloljetnike na određeni broj sati u praznične dane ili na određeni broj sati u toku dana, izvršava se između 8 i 20 sati, u slobodnom vremenu maloljetnika usklađenom sa školskim i radnim obavezama.

(2) Maloljetniku, upućenom u Disciplinski centar za maloljetnike na neprekidni boravak na utvrđeni broj dana, obezbjeđuje se smještaj i ishrana.

(3) Maloljetniku, upućenom u Disciplinski centar za maloljetnike na period duži od šest sati dnevno, obezbjeđuje se odgovarajući broj obroka hrane.

Član 27.

(Plan i program za rad s maloljetnikom)

(1) Disciplinski centar za maloljetnike donosi plan i program za rad s maloljetnikom.

(2) Disciplinski centar za maloljetnike organizuje obavljanje korisnih radova prilagođenih uzrastu maloljetnika, sklonostima i sposobnostima, a u skladu sa utvrđenim školskim ili radnim obavezama maloljetnika.

Član 28.

(Pridržavanje pravila kućnog reda i uputstava i savjeta)

(1) Maloljetnik je dužan da se, u Disciplinskom centru za maloljetnike, pridržava pravila kućnog reda i uputstava i savjeta ovlaštenih stručnih radnika.

(2) Ako se, zbog nediscipline maloljetnika ili lica iz člana 25. ovog Zakona, disciplinska mjera ne može izvršiti, Disciplinski centar za maloljetnike, najkasnije u roku od 48 sati, o tome obavještava Centar za socijalni rad i Općinski sud, radi preduzimanja odgovarajućih mjera.

POGLAVLJE III - ODGODA I PREKID IZVRŠENJA ODGOJNIH MJERA

Odjeljak A.

Odgoda i prekid mjere upućivanja u disciplinski centar i mjere pojačanog nadzora u drugoj obitelji

Član 44.

(Odgoda izvršenja)

- (1) Izvršenje odgojnih mjera upućivanja u disciplinski centar i pojačanog nadzora u drugoj obitelji, može se odgoditi na molbu maloljetnika, njegovog roditelja, staratelja ili usvojitelja, bračnog druga ili na prijedlog Centra za socijalni rad, u slučaju:
- a) ako je maloljetnik obolio od teže akutne bolesti;
 - b) ako se desio smrtni slučaj ili teška bolest u užoj obitelji maloljetnika;
 - c) ako se maloljetnik nalazi neposredno pred završetkom škole ili polaganja ispita za koji se pripremao, pa bi mu izvršenje odgojne mjere u ovom momentu moglo nepovoljno uticati na izvršenje tih obaveza;
 - d) ako trudnoj maloljetnici do porođaja ne preostaje više od pet mjeseci, kao i maloljetnici koja ima dijete mlađe od jedne godine života.
- (2) Izvršenje odgojne mjere u slučaju iz tačke a) stava (1) ovog člana može se odgoditi dok bolest traje, u slučaju iz tačke b) stava (1) ovog člana - najduže za tri mjeseca, u slučaju iz tačke c) stava (1) ovog člana - najduže za šest mjeseci, a u slučaju iz tačke d) stava (1) ovog člana, trudnoj maloljetnici, kao i maloljetnici koja ima dijete mlađe od jedne godine života - do navršene jedne godine života djeteta.

Član 47.

(Pravo žalbe protiv rješenja kojim se odbija odgoda izvršenja)

- (1) Protiv rješenja kojim se odbija molba za odgodu izvršenja odgojne mjere, podnosilac ima pravo žalbe u roku od tri dana od dana prijema rješenja, Kantonalnom sudu u Sarajevu (u daljnjem tekstu: Kantonalni sud).
- (2) Kantonalni sud donosi rješenje o žalbi u roku od tri dana od dana prijema žalbe.
- (3) Rješenje iz stava (2) ovog člana je konačno i dostavlja se, u roku od tri dana, podnosiocu molbe i Disciplinskom centru za maloljetnike, odnosno Centru za socijalni rad.

Član 52.

(Oduzimanje predmeta)

- (1) Zaštitnu mjeru oduzimanja predmeta izvršava Općinski sud, na način propisan zakonom.
- (2) Troškovi koji nastanu prinudnim izvršenjem zaštitne mjere iz stava (1) ovog člana snosi lice kome je ta mjera izrečena.

DRUGI RELEVANTNI PROPISI

USTAV KANTONA SARAJEVO

("Službene novine Kantona Sarajevo", broj 1/96, 2/96 - Ispravka, 3/96 - Ispravka, 16/97, 14/00, 4/01, 28/04 i 6/13)

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

**ZAKON
O IZVRŠENJU KRIVIČNIH SANKCIJA U FEDERACIJI BOSNE I
HERCEGOVINE**

("Službene novine Federacije BiH", br. 44/98, 42/99, 12/09 i 42/11)

Član 1. stav 2.

Pitanja koja se odnose na izvršenje novčanih kazni, sankcija za privredne prijestupe, prekršajnih sankcija, mjera sigurnosti i odgojnih mjera koje nisu regulisane ovim zakonom, uredit će se kantonalnim-županijskim zakonom.

Član 196.

Odgojne mjere, osim odgojne mjere upućivanja u odgojnopopravni zavod, izvršava nadležna ustanova socijalne skrbi na način i po postupku predviđenim čl. 191. do 195. ovog zakona i kantonalnim-županijskim zakonom.

Član 219.

Odgadanje i prekid izvršenja zavodske odgojne mjere uređuje se kantonalnim-županijskim zakonom.

**ZAKON O ZAŠTITI I POSTUPANJU SA DJECOM I MALOLJETNICIMA U
KRIVIČNOM POSTUPKU**

"Službene novine Federacije Bosne i Hercegovine", broj 7/14)

/29.1.2014./

(Primjena od 6.02.2015.godine)

Član 32.

Vrste odgojnih mjera

(1) Odgojne mjere su:

a) mjere upozorenja i usmjeravanja: sudski ukor, posebne obaveze i upućivanje u odgojni centar,

b) mjere pojačanog nadzora: pojačani nadzor od roditelja, usvojitelja ili staratelja; pojačani nadzor u drugoj porodici i pojačani nadzor nadležnog organa socijalnog staranja i

c) zavodske mjere: upućivanje u odgojnu ustanovu, upućivanje u odgojno-popravni dom i upućivanje u posebnu ustanovu za liječenje i osposobljavanje.

(2) Mjere upozorenja i usmjeravanja izriču se kada je potrebno i dovoljno takvim mjerama uticati na ličnost i ponašanje maloljetnika.

(3) Mjere pojačanog nadzora izriču se kada za odgoj i razvoj maloljetnika treba poduzeti trajnije mjere odgoja, preodgoja, uz odgovarajući stručni nadzor i pomoć, a nije potrebno potpuno odvajanje maloljetnika iz dotadašnje sredine.

(4) Zavodske mjere izriču se maloljetniku prema kojem treba poduzeti trajnije i intenzivnije mjere odgoja ili liječenja uz njegovo potpuno odvajanje iz dotadašnje sredine. Zavodske mjere primjenjuju se kao posljednje sredstvo i smiju trajati

u granicama određenim ovim zakonom samo koliko je potrebno da bi se ostvarila svrha odgojnih mjera.

Član 36.

Upućivanje u odgojni centar

- (1) Sud izriče mjeru upućivanja u odgojni centar kada je potrebno da se odgovarajućim kratkotrajnim mjerama utiče na ponašanje maloljetnika.
- (2) Maloljetnika kojem je izrečena mjera iz stava (1) ovog člana sud može uputiti u odgojni centar:
 - a) na određeni broj sati tokom dana u trajanju najmanje 14 dana a najduže 30 dana;
 - b) na neprekidni boravak u trajanju najmanje 15 dana, ali ne duže od tri mjeseca.
- (3) Pri izricanju mjere iz stava (1) ovog člana sud vodi računa da zbog njenog izvršenja maloljetnik ne izostane sa redovne školske nastave ili posla.
- (4) Boravak maloljetnika u odgojnom centru mora biti ispunjen djelatnostima primjerenim njegovim osobinama učenjem, korisnim radom koji odgovara njegovim sposobnostima i interesima, kao i drugim odgojnim sadržajima usmjerenim na razvijanje osjećaja odgovornosti.
- (5) Sud može u toku trajanja ove mjere izmijeniti ranije donesenu odluku tako da maloljetniku odredi boravak u odgojnom centru za određeni broj dana ili odredi boravak na određeni broj sati u toku dana, a može skratiti, odnosno produžiti trajanje neprekidnog boravka u centru ili trajanje boravka u centru na određeni broj sati.
- (6) Uz odluku o upućivanju u odgojni centar sud može izreći i neku od mjera pojačanog nadzora.
- (7) Ako maloljetnik neopravdano odbija ili na drugi način ometa izvršenje izrečenih posebnih obaveza ili odgojne mjere pojačanog nadzora, sud može odlučiti da ga zbog toga uputi u odgojni centar na neprekidni boravak u trajanju od najduže mjesec dana.

B) Izvršenje mjere upućivanja u odgojni centar

Član 138.

Nadležnost i provođenje

- (1) Za izvršenje odgojne mjere upućivanja u odgojni centar nadležan je odgojni centar u mjestu prebivališta ili boravišta maloljetnika u vrijeme kada je odluka kojom je mjera izrečena postala izvršna.
- (2) U slučajevima iz člana 36. st. (6) i (7) ovog zakona izvršenje odgojne mjere upućivanja u odgojni centar vrši se u saradnji sa organom starateljstva koji prati izvršenje odgojne mjere pojačanog nadzora, odnosno mjere posebnih obaveza.

Član 139.

Boravak maloljetnika u odgojnom centru

- (1) Maloljetnik za vrijeme izvršenja mjere boravka u odgojnom centru na određeni broj sati tokom dana ostaje kod roditelja, usvojitelja ili staratelja, nastavlja pohađati školu ili odlaziti na posao. Mjera boravka u odgojnom centru na određeni broj sati tokom dana izvršava se u periodu od 08 do 20 sati u slobodnom vremenu maloljetnika usklađenom sa školskim ili radnim obavezama.
- (2) Prijem maloljetnika u ustanovu vrši se na osnovu izvršne odluke suda i druge

- neophodne dokumentacije utvrđene aktom o prijemu, tretmanu i otpustu maloljetnika.
- (3) Maloljetniku upućenom u odgojni centar na neprekidni boravak osigurava se smještaj i ishrana. Maloljetniku upućenom u odgojni centar na period duži od četiri sata dnevno osigurava se odgovarajući broj obroka hrane.
- (4) Izvještaj o toku i rezultatima provedbe mjere dostavlja se na zahtjev sudiji, tužitelju i organu starateljstva tokom samog trajanja mjere i obavezno po njenom isteku, a u slučaju kada je ova mjera određena u najdužem trajanju (član 36.stav (2) tačka b) svakih 15 dana.
- (5) Ukoliko se zbog nediscipline, ometanja ili onemogućavanja izvršenja mjere od maloljetnika mjera ne može izvršiti, odgojni centar dužan je u roku 76 sati obavijestiti nadležni sud radi poduzimanja odgovarajućih mjera.
- (6) Dokumentacija maloljetnika koja sadrži podatke o identitetu maloljetnika i postupku izricanja i izvršavanja ove odgojne mjere povjerljive je prirode i dostupna je samo nadležnim organima u skladu sa zakonom.
- (7) Sve ustanove, organizacije, institucije i druga pravna lica obavezna su saradivati sa odgojnim centrom radi što efikasnije provedbe ove mjere, a u najboljem interesu maloljetnika.

Član 201.

Prestanak važenja

Do početka primjene ovog zakona uskladit će se odredbe Krivičnog zakona, Zakona o krivičnom postupku, Zakona o izvršenju krivičnih sankcija, Zakona o prekršajima i odredbe drugih propisa iz oblasti zaštite prava djece i maloljetnika sa ovim zakonom.

Član 202.

Stupanje na snagu

Ovaj zakon stupa na snagu osmog dana od dana objavljivanja u "Službenim novinama Federacije BiH", a primjenjivat će se istekom godine dana nakon stupanja na snagu.

IZVJEŠTAJ
O PROVEDENIM KONSULTACIJAMA NA PREDNACRT
ZAKONA O IZMJENAMA I DOPUNAMA ZAKONA O IZVRŠENJU SANKCIJA
U KANTONU SARAJEVO

Ministarstvo pravde i uprave Kantona Sarajevo je, dana 30.01.2015. godine, na svojoj web stranici objavila prednacrt Zakona o izmjenama i dopunama Zakona o izvršenju sankcija u Kantonu Sarajevo. Ovo ministarstvo je uputilo poziv na konsultacije svim kantonalnim organima uprave i upravnim organizacijama, kantonalnim javnim preduzećima, jedinicama lokalne samouprave, naučnim i stručnim ustanovama i ostalim zainteresovanim da uzmu učešće u konsultacijama i da svoje prijedloge, primjedbe i sugestije na tekst zakona, dostave u roku od 10 dana Ministarstvu pravde i uprave Kantona Sarajevo.

Nakon proteka ostavljenog roka Ministarstvo pravde i uprave pripremiolo je nacrt Zakona za narednu sjednicu Vlade Kantona Sarajevo.

Primjedbe, prijedloge i sugestije dostavili su pismeno:

1. Pravobranilaštvo Grada Sarajeva – aktom broj 01-08-Gp-16/15 od 12.02.2015. godine, gdje ističe da nema primjedbi na tekst Zakona;
2. Pravobranilaštvo Kantona Sarajevo, svojim aktom broj M-11/15 od 12.02.2015. godine, istaklo da nema primjedbi na ovaj prednacrt Zakona;
3. Kantonalno tužilaštvo Kantona Sarajevo, svojim aktom broj A-160/15 od 13.02.2015. godine, godine, izjasnilo se da nema primjedbi niti sugestija na dostavljeni prednacrt Zakona;
4. Općina Hadžići, mailom dostavilo akt broj 02-sl/2015 od 16.02.2015. godine, u kojem navode da podržavaju izmjene Zakona koje su predložene;
5. Savez općina i gradova Federacije Bosne i Hercegovine – svojim aktom broj 104/15 od 10.02.2015. godine, u kojem ističu da nisu mogli postupiti u skladu sa svojim internim procedurama kada je u pitanju provođenje postupka konsultacija sa nadležnim tijelima unutar Saveza, obzirom na vrlo kratak rok od deset dana za dostavljanje primjedbi, prijedloga i sugestija, koje je odredilo ovo ministarstvo;
6. Ministarstvo unutrašnjih poslova – svojim aktom broj 01-88/2015 od 13.02.2015. godine;
7. Ministarstvo za rad, socijalnu politiku, raseljena lica i izbjeglice – svojim aktom broj 13/03-07-02-31283/14 od 18.02.2015. godine;

Pismene primjedbe, prijedlozi su dati u prilogu Izvještaja, a sadrže obrazloženje koje se ne ponavlja u Izvještaju.

Izvještaj sadrži sistematizovane primjedbe koje se odnose na pojedine članove Zakona, a date su od različitih učesnika u konsultacijama.

PRIMJEDBE, PRIJEDLOZI I SUGESTIJE

Pojedinačne primjedbe

Član 1. nacrta Zakona (Član 3.)

1. **Ministarstvo za rad i socijalnu politiku, raseljena lica i izbjeglice:** Predlažu da se u nazivu Javne ustanove „Odgojni centar Kantona Sarajevo“, doda prefiks

„Kantonalna“, iz razloga što sve javne ustanove socijalne zaštite, čiji je osnivač Kanton Sarajevo, u svom nazivu imaju ovaj prefiks.

Stav predlagača: Primjedba se prihvata.

U članu 3. stav (1) riječi : “kažnjena lica” zamjenjuju se riječju “kažnjenicima”, a u stavu (1) tačka d) riječi: ”Kantonalna javna ustanova “Disciplinski centar za maloljetnike” zamjenjuju se riječima: “Kantonalna Javna ustanova ”Odgojni centar Kantona Sarajevo”, a u nastavku teksta riječi: “Disciplinski centar za maloljetnike”, zamjenjuje se riječima: “Odgojni centar”.

Član 15. nacrtu Zakona (Član 52.)

1. **Ministarstvo unutrašnjih poslova:** Smatraju neophodnim da se uz predložene izmjene Zakona o izvršenju sankcija u Kantonu Sarajevo, trebaju uvrstiti i izmjene i dopune koje se odnose na zaštitnu mjeru – oduzimanje predmeta, čime bi se omogućilo da, pored Suda, ovlaštenu organ koji izdaje prekršajni nalog odlučuje da li će se oduzeti predmet uništiti, prodati ili predati odgovarajućem ovlaštenom organu. Ovakva izmjena i dopuna Zakona bi predstavljala usaglašavanje sa novim odredbama Zakona o prekršajima (član 31.), kojima je omogućeno i ovlaštenim organima koji izdaju prekršajne naloge da odlučuju o oduzetim predmetima, za razliku ranijeg Zakona o prekršajima (član 19.), kojim je propisano da sud donosi odlučuje o oduzetim predmetima.

Stav predlagača: Primjedba se prihvata.

U članu 52. u stavu (1), iza riječi „Općinski sud“, dodaju se riječi: „ili drugi organi iz člana 3. ovog zakona koji izdaju prekršajne naloge“.

Dodaje se novi stav (2) koji glasi:

„(2) Ovlašteni organi iz stava (1) ovog člana, će posebnim propisima regulisati postupanje sa oduzetim predmetom.“

Dosadašnji stav (2), postaje stav (3).